

Organisasjonsnummer: 948350823

Foretaksnavn AUSTRHEIM KOMMUNE

Kontonummer: 1594 11 80407 **verifisert**

Adresse: Sætremarka 2, 5943 AUSTRHEIM

E-postadresse: post@austrheim.kommune.no

Kontaktperson

Navn: Asbjørn Nagell Toft

Telefonnummer: 41651463

E-postadresse: asbjorn.n.toft@austrheim.kommune.no

Utfyller

Navn: Asbjørn Nagell Toft

Mottaker: Miljødirektoratet

SØKNAD

REFERANSENR.: 22S0EF80

Beskriv hvorfor kommunen din søker om tilskudd

Kommune(r) hvor tiltaket skal gjennomføres: Austrheim

Antall innbyggere i kommunen: 2900

Beskriv hvorfor kommunen din søker om tilskudd:

Austrheim kommune ynskjer å ta vare på naturen og naturmangfaldet samstundes som me skal utvikle oss og få på plass nye arbeidsplassar og fleire bustadar. Utarbeiding av ein kommunedelplan for naturmangfald skal vere eit viktig verkty i arbeidet med å ta vare på og sikre god forvaltning av naturmangfaldet i kommunen. Ein

kommunedelplan for naturmangfald vil og verta til god hjelp for næringsutvikling og samfunnsstryggleik, særleg knytt til tiltak skjøtsel og bruk av kulturlandskapet. Godt skjøtta kystlynghei og reduksjon av uønskt sitkagran og krattskog vil kunne redusere faren for ukontrollerte utmarks, skog- og lyngbrannar, samstundes vil det gje auka attraktivitet for friluftsliv og reiseliv.

Mange område med kystlynghei og naturbeitemark i Austrheim kommune har sidan 1990-talet vorte skjøtta med

utegangarsau og storfe. Dette har betra kvaliteten og naturmangfaldet i store område. Det er særleg på øyar utan busetnad og infrastruktur at sauebeitet er auka, då det er lettast å nytte øyar til sauebeite grunna lite trong for gjerde.

Med god kommunal planlegging, gode strategiar og handlingsplanar kan det leggjast betre til rette for beitebruk og skjøtsel av utmark og innmark også i område nær busetnad og annan infrastruktur.

Austrheim kommune har motivert aktivt til lyngbrenning og skjøtsel av attgrodde beiteområde. Me har i 2021 også nytta kommunale midlar til fjerning av sitkatre/felt omkring kommunesenteret og større

bustadområde. Desse områda har me tenkt å få inn beitedyr på i 2022. Det har vore brannførebygging som har vore hovudformålet med desse tiltaka, men naturmangfaldet som elles hadde vorte øydelagt av tilgroinga av sitkaskog er og ein del av motivasjonen vår med dette arbeidet. Naturvernforbundet har og har hatt store kampanjar med å tilbakeføra kystlyngheia på ulike stadar i kommunen vår.

Mykje av det attgroande kulturlandskapet i Austrheim kommune er det enno råd om å berga. I første rekkje ved å ta det i aktiv bruk som beiteland for småfe. Erfaring frå dei områda i Austrheim kommune der dette er gjort viser at område med verdfulle kystlyngheiar og naturbeitemarker med høgt innslag av raudlista artar aukar. Det betyr at vi i Austrheim kommune i mange område kan auke det mest verdfulle naturmangfaldet ved å ta opp att bruken av områda til beite.

Kommunestyret har i sin planstrategi for 2020-2024 bestemt at det skal lagast ein kommunedelplan for naturmangfald Dette arbeidet er såleis forankra politisk i kommunen vår.

Naturmangfaldet i Austrheim kommune bør og ta med seg ein del av sjøareala vår, der me veit at det kan vera koralrev, pollar, litoralbasseng, østrers, men og mellom anna ålegras og andre meir sjeldne marine naturtypar. Dette er også noko som må sjåast på i ein kommunedelplan for naturmangfald. Dette vil gje eit grunnlag for ei betre

vurdering av tiltak i sjøareala i Austrheim kommune. Sjøareala til kommunen vert difor også ein del av kommunedelplanen for naturmangfald. I vårt område har me nett byrja med planarbeidet for ein interkommunal plan for sjøareala, dette saman med 10 andre kommunar i Nordhordland. Austrheim kommune treng å få vita meir om naturtypar knytt til dei marine områda hjå oss. Store deler av Austrheim kommune sine sjøareal er ein del av det marine verneområdet for Lurefjorden og Lindåspollen, me treng meir kunnskap om artsmangfaldet knytt til dette marine verneområdet også.

Ein naturmangfaldsplan vil også kunne legge fram tiltak for å sikre naturmangfaldet i den neste revidering av kommuneplanen sin arealplan. Det er behov for ein balanse mellom naturforvaltning og samfunnsutvikling, og ein slik plan vil kunne gje viktige føringar for dette planarbeidet, men og for anna planarbeid som pågår i kommunen i dag.

Noko av det viktigaste er kanskje at for å sikra ei god forvaltning av naturmangfaldet er det behov for naturkunnskap, og kompetanseheving både hjå politikarar, administrasjonen, næringslivet og innbyggjarane våre.

Ein slik planprosess vil vere ein god måte å sikra refleksjon og bevisstgjerjing om dette viktige temaet. Me må ta vare på livet og artsmangfaldet i kommunen vår. På den måten tek me eit viktig ansvar for plassen me bur og lever på.

Er utarbeiding av en egen kommunedelplan for naturmangfold politisk forankret, f.eks. i kommunens planstrategi eller i eget vedtak? Ja

Beskriv hvordan utarbeidingen av kommunedelplan er politisk forankret:

Kommunestyret i Austrheim kommun har i sin planstrategi for 2020-2024 bestemt at det skal lagast ein kommunedelplan for naturmangfald Dette arbeidet er såleis forankra politisk i kommunen vår. Det er og bestemt at dette arbeidet skal gjerast i perioden 2022-2024.

Hva er målet for arbeidet med en kommunedelplan for naturmangfold?

Målet med kommunedelplanen er å få samla oversikt og heilskapleg framstilling av naturmangfaldet i kommunen. Det vil og føra til auka interesse for folk flest for naturmangfaldet og for alle artane me kan finna i kommunen vår.

Me vil bruka det som eit verkty i arbeidet i kommunen der det er tverrfaglege interesser og i arealforvatninga vår framover, men og i samarbeidet me i dag har med aktive bønder og grunneigarar som

ynskjer å ta vare på mellom anna kystlyngheia og naturbeiteområde.

Karlegginga vil gjer at me vil kunne gjere verdisettingar som nasjonal verdi, regional verdi og/eller lokalverdi

Me vil få kunnskap og kompetanse som me i dag ikkje har om vår fauna.

Me har også som mål å bruke denne kunnskapen aktivt saman med innbyggjarane slik at dei kan vere ein del av

arbeidet vårt med å bli kjent med kva me har av natur og naturmangfald i kommunene.

Dette arbeidet kan hjelpe oss å prioritera område som me ynskjer aktivt skjøtta og beita framover, mellom anna våre kystlyngheier. Det kan og vera eit viktig verkty i arbeidet med å forvalta sjøareala våre på ein god og berekraftig måte framover. Fosntraumen ligg i kommunen vår, det er og eit viktig reiselivsmål for fiskarar og fridykkarar.

Har kommunen spesielle utfordringer i arbeidet med å ivareta naturmangfold? Ja

Beskriv utfordringer med å ivareta naturmangfold:

Attgroing av sitkagran som sprer seg ukontrollert.

Generell attgroing av ymse typar av eldre kulturlandskap.

Skogplantinga som skjedde noko tilfeldig her som andre stadar.

Gardsbruk med kystlyngheier som vert fråflytta/lagt ned.

Færre landbrukseigedomar i aktivt drift enn tidlegare.

Få mjølkeprodusentar att, berre 3 stk. i kommune vår.

Nedbygging av naturområde til andre føremål.

Press på strandsona og sjøareal.

Hvordan skal planarbeidet organiseres?

Arbeidet vil organiseres som eit prosjekt. Me skal oppretta ei arbeidsgruppe frå administrasjon der prosjektleiar vil styra dette arbeidet. I dette arbeidet skal desse vera med i arbeidsgruppa:

- Prosjektleiar
- Plansjef
- Representant i frå kultur og kulturminnevern
- Representant for landbruk

Ressurssgruppe:

Desse representantane vert kalla inn når fagområda deira er tema:

representant i frå jordbruk

representant frå næring/reiseliv

representant frå fiskarlag

representant med biologisk kompetanse frå Naturvernforbundet

representant frå dykkarmiljø og fritidsfiskarar

Styringsgruppa er formannskapet i Austrheim kommune

Annet:

Me startar dette arbeidet når me får løyvinga på plass. Planstrategien 2020-2024 styrer planarbeidet i Austrheim kommune, men økonomiske ressursar må koma gjennom ei løyving som omsøkt før dette arbeidet kan startast.


Vedtak om oppstart vert då gjort i formannskapet i Austrheim kommune.

Høyringsperiode våren 2023.

Då er målsetjinga å vera ferdig med dette arbeidet i løpet av 2023.
Godkjenning av kommunedelplanen for Naturmangfald hausten 2023

Vedlegg

 Planstrategien 2020-2024.docx (Annet)

 **Asbjørn Nagell Toft** for **AUSTRHEIM KOMMUNE**

Lvert 06.01.2022